

ХДП

1918-yil
21-iyundan chiqa
boshlagan

№21, 2023-yil
7-iyun,
chorshanba (32.767)

O'zbekiston OVOZI

Ijtimoiy-siyosiy gazeta

Barchaga g'amxo'rlik – davlatning burchi

БИРГАЛИКДА ИЖТИМОЙ ДАВЛАТ САРИ

Ўзбекистон Халқ демократик партияси Президент сайлови кампаниясига ишонч ва кўтаринки рух билан киришди



2-3 САҲИФАЛДАРДА

ПРЕЗИДЕНТЛИККА НОМЗОДЛАРНИНГ ИШОНЧЛИ ВАКИЛЛАРИ РЎЙХАТГА ОЛИНДИ

Марказий сайлов комиссиясининг навбатдаги мажлиси бўлиб ўтди.

Унда Ўзбекистон Республикаси Президентлигига номзодларнинг ишончли вакиллари рўйхатга олиш, Марказий сайлов комиссияси ҳузуридаги тезкор ахборот бериш маркази фаолиятини ташкил этиш, Ўзбекистон Республикасининг Президент сайловида халқаро ташкилотлар ва хорижий давлатлардан қатнашадиган кузатувчилар ва ОАВларини аккредитациядан ўтказишга оид масалалар муҳокама қилинди.

– Маълумки, Марказий сайлов комиссияси 5 июнь куни сиёсий партиялардан Ўзбекистон Республикаси Президентлигига кўрсатилган номзодларни рўйхатга олган эди, – деди МСК котибияти муdiri Х.Маматов. – Сайлов қонунчилиги талабларига мувофиқ, Ўзбекистон Республикаси Президентлигига номзоднинг ишончли вакиллари Ўзбекистон Республикаси Президентлигига номзод Марказий сайлов комиссияси томонидан рўйхатга олингандан сўнг унинг тақдимномасига биноан Марказий сайлов комиссияси томонидан рўйхатга олинади. Номзоднинг ишончли вакиллари Марказий сайлов комиссияси томонидан белгиланган намунадаги гувоҳнома берилади. Номзод 15 нафаргача ишончли вакилга эга бўлишга ҳақли.

Йиғилишда мазкур масала муҳокама қилиниб, фикр-мулоҳазалар билдирилди. Шундан сўнг Ўзбекистон Халқ демократик партиясидан Улуғбек Илясович Иноятовнинг, Тадбиркорлар ва ишбилармонлар ҳаракати – Ўзбекистон либерал-демократик партиясидан Шавкат Миромонович Мирзиёевнинг, Ўзбекистон "Адолат" социал-демократик партиясидан Робахон Анваровна Маҳмудованинг ҳамда Ўзбекистон Экологик партияси-

дан Абдушуккур Худойкулович Ҳамзаевнинг ишончли вакиллари рўйхатга олинди.

Шунингдек, мажлисда, сайловга тайёргарлик кўриш ва уни ўтказиш даврида Марказий сайлов комиссияси ҳузурида тезкор ахборот бериш маркази ташкил этиш юзасидан қарор қабул қилинди ва тегишли Низом тасдиқланди.

– "Call-center"нинг асосий вазифаси сайловга тайёргарлик кўриш ва уни ўтказиш даврида фуқаролар билан реал вақт режимида тўғридан-тўғри мулоқотни йўлга қўйиш, сайлов комиссиялари фаолияти, сайловга тайёргарлик кўриш ҳамда уни ўтказишнинг барча босқичлари ҳақида тўлиқ ва ишончли ахборотни фуқароларга ҳуқуқий тушунтириш ва маслаҳатлар бериш орқали етказишдан иборат, – деди МСК аъзоси Г.Исмоилова.

Йиғилишда Ўзбекистон Республикасининг Президент сайловида халқаро ташкилотлар ва хорижий давлатлардан қатнашадиган кузатувчиларни аккредитациядан ўтказиш масаласи ҳам атрофлича муҳокама қилинди. Ташқи ишлар вазирлигининг тақдимномасига биноан ЕХҲТ ДИИХБнинг 12 нафар сайловни кузатувчи миссияси вакиллари МСКнинг қарори билан аккредитациядан ўтказилди.

Шунингдек, Марказий сайлов комиссиясига бўлган мурожаатлардан келиб чиқиб, 39 та маҳаллий оммавий ахборот воситасининг 139 нафар вакили аккредитация қилинди. Шу бугунга қадар аккредитациядан ўтказилган маҳаллий оммавий ахборот воситалари вакиллари МСКнинг умумий сони 229 нафарни ташкил этмоқда.

Йиғилишда кўриб чиқилган барча масалалар юзасидан Марказий сайлов комиссиясининг тегишли қарорлари қабул қилинди.

Мухтарама КОМИЛОВА,
ЎЗА мухбири.

✓ **ҲАР БИР ИНСОННИНГ БИРЛАМЧИ ҲАЁТИЙ ЭҲТИЁЖЛАРИГА ЕТАДИГАН ЭНГ КАМ ИСТЕЪМОЛ ХАРАЖАТЛАРИНИ ҚОНУН ДАРАЖАСИДА БЕЛГИЛАШ МАҚСАДИДА "ЭНГ КАМ ИСТЕЪМОЛ ХАРАЖАТЛАРИНИ БЕЛГИЛАШ ТАРТИБИ ТЎҒРИСИДА"ГИ ҚОНУННИ ҚАБУЛ ҚИЛИШ;**

✓ **ФУҚАРОЛАРНИНГ БАНДЛИГИНИ ТАЪМИНЛАШ, ИШСИЗЛИКДАН ҲИМОЯ ҚИЛИШ, КАМБАҒАЛЛИКНИ ҚИСҚАРТИРИШ ЧОРАЛАРИНИ КЎРИШ, ОИЛАЛАР, БОЛАЛАР, АЁЛЛАР, ҚАРИЯЛАР, НОГИРОНЛИГИ БЎЛГАН ШАХСЛАРНИ ҲАР ТОМОНЛАМА ҚЎЛЛАБ-ҚУВВАТЛАШ ВА УЛАРГА ҒАМХЎРЛИК ҚИЛИШ;**

✓ **БАРЧА ФУҚАРОЛАР УЧУН АДОЛАТЛИ ДАВЛАТ ПЕНСИЯ ТАЪМИНОТИ ТИЗИМИНИ ЖОРИЙ ҚИЛИШ, ШУ ЖУМЛАДАН, ЭР ЁКИ ХОТИНИ ВАФОТ ЭТГАНДА ҲАМДА ВАФОТ ЭТГАН ШАХС КЎПРОҚ ПЕНСИЯ ОЛГАН ТАҚДИРДА, УШБУ ПЕНСИЯНИ УНИНГ ҲАЁТ БЎЛГАН ТУРМУШ ЎРТОҒИГА ЎТКАЗИБ БЕРИШ (ПЕНСИЯНИ АЛМАШТИРИШ) ТАРТИБИНИ ЖОРИЙ ЭТИШ ЛОЗИМ.**

ЎЗБЕКИСТОН РЕСПУБЛИКАСИ ПРЕЗИДЕНТЛИГИГА ИЛГАРИ СУРИЛГАН НОМЗОД УЛУҒБЕК ИНОЯТОВНИНГ ЎЗБЕКИСТОН ХДП ҚУРУЛТОЙИДАГИ МАЪРУЗАСИДАН.



ИМКОНИАТ ЯРАТАДИГАН
ҚОНУНЛАР

5 САҲИФА



ИЖТИМОЙ ҲИМОЯ
МАСАЛАЛАРИДА ЭНДИ
ЯГОНА ТИЗИМ БЎЛАДИ

6 САҲИФА

ИЛГАРИ СУРИЛГАН НОМЗОД ХДП ҚУРУЛТОЙИДАГИ МАЪРУЗАСИ

юқори фойда кўраётганлардан барча ишчи-хизмилар қатори даромад солиғи ундириш тизимига ўтиш;

✓ мамлакатнинг иқтисодий қудрати, энг аввало, кафолатланган бюджетга беvosита боғлиқлигини инобатга олиб, **ундирилдиган барча тўловларни Давлат бюджетига йналтириш** тартибини жорий этиш;

✓ аҳолини иш билан таъминлаш мақсадида **якка тартибдаги тадбиркорлар ва юридик шахслар шуғулланиши мумкин бўлган соҳаларни ҳамда ўзини ўзи банд қилган деб ҳисобланадиган фаолият турлари рўйхатини** кенгайтириш ҳалқимиз фаровонлигини оширишга хизмат қилади.

Ички бозорни ўзимизда ишлаб чиқарилган юқори қўшимча қийматга эга товарлар билан тўлдириш барқарор иқтисодий ривожланишнинг асосий омилларидан биридир.

Маҳаллий ҳокимликлар даражасида ҳаёт учун муҳим ва хавфсиз озиқ-овқат маҳсулотлар, кундалик зарур товарларни ишлаб чиқариш бўйича **ўрта муددатли ҳудудий дастурларни** шакллантириш ва тасдиқлаш лозим.

Мазкур дастурларни ҳудудларда иш ўринлари ташкил этишга доир давлат бунёдмалари, ўрта махсус, олий маълумотли мутахассисларни тайёрлаш дастурларига мувофиқлаштириш зарур.

Биз иқтисодиётни ҳаддан зиёд либераллаштириш жамиятни ижтимоий ривожлантириш мақсадларига эришиш кафолатини бермайди, деб ҳисоблаймиз. Шу боис давлат ва жамият томонидан иқтисодий ривожланишни мувофиқлаштириш ҳамда тартибга солиш бўйича демократик тизимни шакллантириш зарур.

Бунда иқтисодиётда таркибий ислохотларни амалга ошириш ва янги технологияларни жорий этиш масалалари бўйича барча жабҳаларда **ижтимоий мулоқот ва жамоат назорати механизмини** жорий этиш долзарб аҳамиятга эга.

Юртимиз аҳолиси ҳар йили қарийб бир миллионга кўпаймоқда, бу давлат олдига янги мактаб ва шифохоналар, умуман, янги ижтимоий инфратузилмани барпо этиш мажбуриятини қўяди.

Янгилашган Конституцияда ижтимоий давлат мақоми белгилангани давлатнинг ижтимоий мажбуриятини оширди. Халқимиз олдидаги бу мажбуриятни бажариш учун давлат харажатларини сарфлаш тизимини тубдан ўзгартириш лозим.

Ассосиз харажатларга йўл қўймаслик мақсадида, **"Давлат бюджети – халқ маблағи" тамойили** асосида давлат сарф-харажатлари устидан жамоатчилик назоратини кучайтириш тарафдоримиз!

ОЛТИНЧИ ЙўНАЛИШ

Товар ва хизматларнинг ижтимоий мақбуллиги тенглик муҳити ва тенг имкониятлар яратаяди.

Ижтимоий аҳамиятга эга товар ва хизматларнинг нархларини шакллантириш устидан давлат ва жамоатчилик назоратини қатъий ўрнатиш лозим. Шу мақсадда қуйидаги чораларни кўриш зарур:

✓ ишлаб чиқариш соҳасида давлат томонидан тартибга солиш чора-тадбирларини қонуний жиҳатдан мустаҳкамлаш;

✓ юқори ижтимоий аҳамият касб этувчи соҳаларни **истеъмоилчилар манфаати устунлиги** нуқтаи назаридан тартибга солиш;

✓ камбағалларни арзон ва сифатли озиқ-овқат маҳсулотлари билан таъминлаш бўйича мақсадли давлат дастурларини ишлаб чиқиш ва амалиётга жорий қилиш керак.

ЕТТИНЧИ ЙўНАЛИШДА

Ижтимоий тенгликка асосланган демократия барқарор ривожланиш асоси экани бўйича ғоялар илгари сурилмоқда.

Юқорида таъкидлаганимдек, биз мамлакатда ижтимоий тенгликка асосланган халқ ҳокимиятчилиги тамойилини мустаҳкамлаш орқали демократик ижтимоий давлатни барпо этиш тарафдоримиз.

Бу аҳолининг барча, жумладан, ижтимоий ҳимояга муҳтож қатламларининг давлат, жамият ҳаёти, суд-ҳуқуқ тизимида тенглик

асосида иштирок этишини кафолатлаш демократия.

Ижтимоий келиб чиқишдан қатъи назар, барча инсонларнинг ижтимоий, иқтисодий ва сиёсий ҳаётда фаол иштирок этишини қўллаб-қувватлаш керак. Ушбу мақсадларда биз қуйидагиларга эришиш зарур, деб ҳисоблаймиз:

✓ ижро ҳокимияти томонидан муҳим иқтисодий-ижтимоий масалалар бўйича қарорлар қабул қилишда Олий Мажлис Қонунчилик палатасидаги **сиёсий партиялар фракциялари билан маслаҳатлашувлар** ўтказиш механизмини жорий этиш;

✓ **сиёсий партиялар, уларнинг депутатлик бирлашмалари ҳуқуқ ва ваколатларини янада кенгайтириш** лозим.

Фуқаролик жамияти институтлари мамлакатда демократия, ҳуқуқий давлат ва шахс эркинликларини таъминлашнинг муҳим кафолати бўлиб хизмат қилади. Биз мамлакатимизда **кучли фуқаролик жамиятини янада ривожлантириш** тарафдоримиз. Ушбу мақсадда қуйидагиларни амалга ошириш зарур, деб ҳисоблаймиз:

✓ давлат бошқарувида фуқаролик жамияти институтларининг **беvosита иштирокини кенгайтириш**;

✓ давлат функцияларини **босқичма-босқич фуқаролик жамияти институтларига бериб бориш** орқали уларнинг ижтимоий фаоллигини ошириш, шу жумладан, ногиронлиги бўлган шахсларга ижтимоий шериклик асосида хизмат кўрсатишга ўтиш;

✓ аҳоли муаммоларини ҳал этишнинг энг самарали ва адолатли шакли сифатида **маҳалла тизимини ривожлантириш**, маъмурий, ижтимоий, экологик, маданий ва бошқа муаммоларни ҳал этишда унинг тўлиқ иштирокини таъминлаш;

✓ давлат органлари ва фуқаролик жамияти институтлари ўртасидаги **ижтимоий ҳамда давлат-хусусий шериклик амалиётини** кенг ривожлантириш;

✓ фуқаролик жамияти институтларини **маҳаллий миқёсда** қўллаб-қувватлаш, туманлардаги нодавлат нотижорат ташкилотларини фаолиятини кенгайтириш.

Ёшларга оид давлат сиёсати ёшларнинг мамлакат сиёсий ҳаётидаги фаол иштирокини таъминлашга хизмат қилиши лозим. Салоҳиятли ёшларга сиёсий партиялар, фуқаролик жамиятининг бошқа институтлари тизимида ишлашини рағбатлантириш зарур.

Давлат органлари фаолиятига аҳолининг ижтимоий кайфиятига таъсир кўрсатадиган муаммоларни олдиндан аниқлаш ва уларни самарали ҳал қилиш механизмларини кенг татбиқ этиш зарур. Шу билан бирга, демографик жараёнларни тизимли ўрганишни йўлга қўйиш орқали **давлатнинг истиқболдаги ижтимоий мажбуриятларини аниқ белгилаб бориш** тизимини жорий этиш тарафдоримиз.

Ҳурматли партиядошлар!

ДАСТУРНИНГ САККИЗИНЧИ ЙўНАЛИШИДА

Суд-ҳуқуқ ислохотлари қонун устуворлигини, тенглик ва инсон ҳуқуқларини таъминлаш гарови экани юзасидан таклифлар акс этмоқда.

Фуқароларнинг ҳуқуқларини ҳимоя қилиш бўйича суд механизмларининг мақбуллигини таъминлаш, қонун устуворлигини янада мустаҳкамлаш, ҳуқуқлар, мажбуриятлар ва имкониятлар тенглигига қатъий амал қилиш суд-ҳуқуқ соҳасини ислоҳ этишдаги устувор йўналишларга айланиши керак.

Янги тахрирдаги Конституциядан келиб чиқиб, инсоннинг асосий, табиий ва ажралмас ҳуқуқларини таъминлаши ва кафолатлаш мақсадида давлат қуйидагиларни амалга ошириши зарур:

✓ **вилоят, туман (шаҳар) даражаларида судлар раисларини ҳар йили ротация қилиш амалиётини** киритиш лозим, ушбу чора суд раисларининг бошқа судьяларга таъсир қилиш имкониятини чеклайди;

✓ одил судловни амалга оширишда халқ маслаҳатчилари ўрнига **ҳақамлар ҳайъати институтини** жорий қилиш;

✓ илғор хорижий тажрибадан келиб чиқиб, **соҳавий назорат органлари (инспекциялар) фаолиятини** кучайтириш, уларга вазирликларнинг субъектив таъсирини камайтириш;

✓ **коррупцияга қарши курашни** кучайтириш, шу жумладан, давлат бошқарувини **ҳалол кадрлар** билан таъминлаш, "Коррупцияга қарши курашиш тўғрисида"ги Қонунни такомиллаштириш;

✓ фуқароларнинг меҳнат ҳуқуқлари амалга оширилишида **жамоатчилик назоратини ва меҳнат инспекциясининг** ролини ошириш;

✓ хотин-қизларни ва болаларни зўравонликдан ҳимоя қилиш бўйича амалий чораларни кучайтириш, васийлик ва ҳомийлик органларининг жавобгарлигини ошириш лозим.

Шунингдек, яна бир масалага алоҳида эътибор қаратиш лозим. Сўнгги йилларда пиёдалар ўтиш йўлақларида инсонлар, энг ачинарлиси, болалар ўлими билан боғлиқ салбий ҳолатлар кўпайиб бормоқда.

Шу сабабли **барча пиёдалар ўтиш йўлақларини хатловдан ўтказиб, светофорлар билан жиҳозлаш бўйича дастур қабул қилиш лозим!**

ДАСТУРИМИЗДАГИ ОХИРГИ ТЎҚҚИЗИНЧИ ЙўНАЛИШДА

Очиқлик ва миллий манфаатлар устуворлиги конструктив ташқи сиёсат пойдевори экани билан боғлиқ ғоялар ўрин олмақда.

Биз Ўзбекистоннинг халқаро мавқеини мустаҳкамлаш, бошқа мамлакатлар билан ўзаро манфаатдорлик, тенг ҳуқуқчилик асосида ҳамкорликни фаол ривожлантириш, яхши қўшничилик, минтақавий хавфсизлик ва барқарорликни таъминлаш тамойиллари асосида, аввало, Марказий Осиё, МДҲ мамлакатлари билан муносабатларни ривожлантиришга йўналтирилган ташаббускор ташқи сиёсат юритиш тарафдоримиз.

Ушбу йўналишда қуйидагиларни амалга оширишга алоҳида эътибор қаратиш зарур, деб ҳисоблаймиз:

✓ инсон ҳуқуқлари масалалари бўйича халқаро ва минтақавий ташкилотлар ҳамда хорижий мамлакатлар билан ҳамкорликни кучайтириш;

✓ **Ташқи меҳнат миграцияси агентлигининг** фаолиятида очиқлик ва ошкораликни таъминлаш, **жамоатчилик назоратини кучайтириш**, шунингдек, Агентлиكنинг масъулиятини ошириш зарур.

Ташқи сиёсат вазифаларини самарали амалга ошириш мақсадида қуйидаги ижтимоий-сиёсий механизмларни таклиф этмоқдамиз:

✓ **парламентлараро алоқа** институтларини ривожлантириш, гуманитар, маданият, санъат, илм-фан, спорт ва туризм, нодавлат ташкилотлар ҳамда партиялараро алоқалар соҳаларида **"Халқ дипломатияси"** усуллари қўллаш;

✓ мамлакатнинг халқаро нуфузини мустаҳкамлаш, инвестициявий жозибадорликни кенг тарғиб қилиш мақсадида **халқаро ахборот ресурсларидан фаол фойдаланиш. Ҳурматли делегатлар ва қурултой иштирокчилари!**

Сизларга Сайловолди дастурининг барча йўналишлари, энг муҳим ғоя ва таклифлар ҳақида атрофлича маълумот бердим.

Ўйлайманки, мамлакатимизнинг ҳамма ҳудудларидаги партияимиз аъзолари, депутатлар, турли соҳа мутахассислари ва кенг аҳоли қатлами вакиллари фикрлари асосида шакллантирилган дастур Халқ демократик партиясининг сиёсий платформаси ва позициясига тўлиқ мос келади. Ишонманки, ушбу дастурдаги ғоялар сайловчиларга манзур бўлади.

Агар Ўзбекистон Республикаси Президентлигига сайловда меннинг номзодимни қўллаб-қувватласангиз сайловда партияимиз фаол ва муносиб иштирок этиши, муваффақият қозониши учун **бор кучим, билим ва тажрибам билан юксак ишонччи оқлашга** астойдил ҳаракат қиламан!



ПЕНСИЯ ВА НАФАҚА ОЛУВЧИЛАР

СОНИ 4 МИЛЛИОН 400 МИНГ НАФАРГА ЯҚИН

АХБОРОТ ВА ОММАВИЙ КОММУНИКАЦИЯЛАР АГЕНТЛИГИДА БЮДЖЕТДАН ТАШҚАРИ ПЕНСИЯ ЖАМҒАРМАСИ ТОМОНИДАН "2022 ЙИЛ ВА ЖОРИЙ ЙИЛНИНГ I ЧОРАГИДА АМАЛГА ОШИРИЛГАН ИШЛАР" МАВЗУИДА МАТБУОТ АНЖУМАНИ ЎТКАЗИЛДИ.



Анжуманда, бугунги кунда мамлакатимизда пенсионерларни ижтимоий қўллаб-қувватлашни янада кучайтириш, қариялар ва кекса ёшдагиларга ҳар томонлама ғамхўрлик қилиш, фуқароларнинг давлат пенсия таъминоти тизimini такомиллаштириш ва соҳада мавжуд муаммоларни бартараф этиш ва бу борада бюрократик тўсиқларни қисқартириш юзасидан 2022 йилда 4 та Ўзбекистон Республикасининг Қонуни, 3 та фармон ва 4 та қарор, Вазирлар Маҳкамасининг 2 та қарори ҳамда 3 та идоравий норматив-ҳуқуқий ҳужжати қабул қилингани алоҳида таъкидлаб ўтилди.

Маълумотларга кўра, Пенсия жамғармасининг ўтган 2022 йил давомида даромадлари прогноз кўрсаткичлари 33,1 триллион сўм ёки 106,7 фоизга бажарилган. Бунинг натижасида, 2023 йилнинг 1 январь ҳолатига 3 триллион сўм эркин қолдиқ маблағлари сақланишига эришилган. Шунингдек, ўтган 2022 йил давомида 459,1 минг нафар фуқарога пенсия ва нафақалар тайинланган ҳамда 2023 йил 1 январь ҳолатига пенсия ва нафақа олувчиларнинг умумий сони 4 346,3 минг нафарга етган. Пенсия жамғармаси томонидан 2022 йил давомида 1,6 миллион нафар фуқарога интерактив ва масофавий хизматлар кўрсатилган.

Эътиборли жиҳати, ўтган йилнинг октябр ойидан бошлаб 18 ёшгача ногиронлиги бўлган болалар ва одамнинг иммунитет танқислиги вируси келтириб чиқарадиган касалликка чалинган 18 ёшгача болаларга тўланадиган нафақаларни ҳамда парваришlash нафақасини Ўзбекистонда илк бор фуқаролар мурожаатисиз "проактив шакл"да тайинлаш тизими жорий этилди, – дейди Бюджетдан ташқари пенсия жамғармасининг ижро этиш директори Абдулазиз Хайдаров. – Бунинг натижасида, 21,1 минг нафардан ортиқ 18 ёшгача ногиронлиги бўлган болаларга тўланадиган нафақалар ҳамда парваришlash нафақасини фуқаролар мурожаатисиз "проактив шакл"да тайинланди. Шунингдек, Ўзбекистон

Республикасининг 2022 йил 9 февралдаги "Фуқароларнинг ва тadbиркорлик субъектларининг ҳуқуқлари кафолатлари янада кучайтирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги Қонунига ҳамда Меҳнат кодексига қуйидаги ўзгартиш ва қўшимчалар киритилди.

Жумладан, аёлларга пенсия ҳисоблашда уларнинг болани парваришlash таътилида бўлиш вақтининг ҳаммасини жамланганда кўпи билан 6 йиллик даврни иш стажига қўшиб ҳисоблаш ҳуқуқи берилди. Шу билан бирга, ўқувчи ва талабаларга боқувчисини йўқотганлик пенсиясини олиш ҳуқуқини таълим муассасаларида ўқишнинг бутун даври давомида, 23 ёшга тўлгунча қадар сақлаб қолиш ҳуқуқи берилди ва ногиронлиги болаликдан бўлганларга 18 ёшга тўлгунча қадар қараган даврни иш стажига қўшиб ҳисоблаш йўлга қўйилди.

2022 йилда "Ижтимоий ҳимоя ягона реестри" ахборот тизимига 16 та вазирлик ва идораларнинг ахборот тизимларида 52 турдаги маълумотлар электрон олинмоқда. Хусусан, ўтган йилда қўшимча 8 турдаги (I ва II гуруҳ ногиронлари, касб-хунар коллежи, техникум ёки академик лицей ўқувчиси, 18 ёшдан мактаб ўқувчилари, "Ёшлар дафтари", "Темир дафтар", "Аёллар дафтари", вафот этган фуқаролар, аризачининг манзили тўғрисидаги) маълумотлар электрон олиниши таъминланди. "Ижтимоий ҳимоя ягона реестри" ахборот тизимига кам таъминланган оила сифатида кириш учун Ўзбекистон Республикаси Ягона интерактив давлат хизматлари портали ор-

қали электрон кўринишда онлайн режимида ариза бериш имконияти яратилди.

Давлат раҳбарининг 2022 йил 17 февралдаги "Ногиронлиги бўлган шахсларни ҳамда аҳолининг ижтимоий ҳимояга муҳтож қатлами кўллаб-қувватлашнинг қўшимча чора-тadbирлари тўғрисида"ги фармони қабул қилиниб, унга кўра, 2022 йил 1 апрелдан бошлаб, зарур иш стажига эга бўлмаган меҳнатга лаёқатсиз фуқароларга бериладиган ногиронлик нафақаси миқдори 440 000 сўмдан 622 000 сўмга етказилди. Иш стажы тўлиқ бўлмаган ногиронлик пенсиясининг энг кам миқдори қўшимча тўловни ҳисобга олган ҳолда 440 000 сўмдан 622 000 сўмга етказилди.

Пенсия жамғармасининг 2023 йил биринчи чорақидаги даромадлари прогноз кўрсаткичлари 9,3 триллион сўм ёки 105,7 фоизга бажарилди. Жамғарманинг 2023 йилнинг биринчи чорақидаги ҳақиқий харажатлари Жамғарма ҳисобидан 12,4 триллион сўмни ташкил этди. Тўловларни ўз вақтида амалга ошириш мақсадида давлат бюджетидан 1,7 триллион сўм трансфертлар ажратилди. Шу билан бирга, 94,5 минг нафар фуқарога янги пенсия ва нафақалар тайинланди. 2023 йил 1 январдан бошлаб эса фуқароларга давлат пенсияларини тайинлаш фақат биргина паспорт ёки идентификация ID-картаси орқали

тайинлаш тизими жорий этилди. "Ҳужжатлар-телефонда" тамойили асосида мобиль илова орқали пенсия гувоҳномасини мобиль иловага ўтказиш ва уни QR-код орқали ҳам идентификациялаш йўлга қўйилди.

Жорий йил 1 январдан бошлаб пенсияни ҳисоблаш учун инобатга олинадиган ўртача ойлик иш ҳақининг энг юқори чегараси пенсияни ҳисоблаш базавий миқдорининг 10 бараваридан 12 бараваригача ошириш бўйича ўзгартиш ва қўшимчалар киритилди. Натижада 370 мингдан ортиқ фуқароларнинг пенсиялари қайта ҳисоб-китоб қилиниб, СМС-хабарномалар юборилган ҳолда янги миқдорда тўловлар амалга оширилмоқда.

Шунингдек, матбуот анжуманида масъул раҳбарлар 2023 йил март ойида пенсияларнинг бир ойлик ўртача миқдори 1 070,3 минг сўмни ташкил қилаётгани ва бу 2022 йил март ойига нисбатан 147,9 минг сўмга ёки 16,0 фоизга кўпайгани ҳақида ахборот беришди. 2023 йил 1 апрелдан бошлаб эса пенсиялар ва нафақалар миқдори 7 фоизга оширилиб, 4,4 миллион нафар фуқаронинг пенсия миқдори қайта ҳисоб-китоб қилиб чиқилганини қайд этишди.

Тоштемир ХУДОЙҚУЛОВ, "Ўзбекистон овози" мухбири.

ПРЕСС-ТУР

«МИКРОКРЕДИТБАНК»НИНГ МОЛИЯВИЙ КЎМАГИ БИЛАН энг йирик газобетон заводи ишга тушди

БУГУНГИ КУНДА МАМЛАКАТИМИЗДА ҚУРИЛИШ САНОАТИДА ИШЛАТИЛАДИГАН ЗАМОНАВИЙ МАТЕРИАЛЛАР ИШЛАБ ЧИҚАРИШГА ИХТИСОСЛАШТИРИЛГАН КОРХОНАЛАР СОНИНИ КЎПАЙТИРИШ БИЛАН БИРГА УЛАРНИ МОЛИЯВИЙ ЖИХАТДАН ҚўЛЛАБ-ҚУВВАТЛАШГА ҲАМ АЛОҲИДА ЭЪТИБОР ҚАРАТИЛМОҚДА. БУ РЕСПУБЛИКАМИЗДА БУНЁДҚОРЛИК ИШЛАРИНИНГ ЯНАДА КЕНГ КЎЛАМДА АМАЛГА ОШИРИЛИШИГА ВА ЯНГИ ҚУРИЛАЁТГАН ОБЪЕКТЛАРНИ НИСБАТАН АРЗОН ҚУРИЛИШ МАТЕРИАЛЛАРИ БИЛАН ТАЪМИНЛАШГА ХИЗМАТ ҚИЛМОҚДА.



Хусусан, «Микрокредитбанк» акциядорлик-тижорат банки ҳам айни вақтда ўзининг хорижий кредит линиялари орқали жалб қилинган маблағлари билан иқтисодиётнинг реал сектори корхоналарини модернизация қилиш, техник ва технология қайта жиҳозлаш ҳамда ишлаб чиқаришни диверсификациялашга доир инвестиция лойиҳаларини молиявий қўллаб-қувватлашга қаратилган жараёнларда фаол иштирок этиб келмоқда.

Жумладан, банк томонидан жорий йил бошидан бери тadbиркорлик субъектларининг инвестицион лойиҳаларини молиялаштириш учун 83 та лойиҳага 641 миллиард сўм эквивалентида маблағ ажратган. Молия муассасасининг мазкур саъй-ҳаракатлардан кўзланган асосий мақсади ишсиз фуқароларимизни доимий иш ўрни билан таъминлаб, фаровон ҳаёт кеңиришига замин яратишдир.

Шу ўринда "Микрокредитбанк" акциядорлик-тижорат банки Сирдарё туманидаги «Eurasia Gaz Beton» масъулияти чекланган жамиятининг газобетон ишлаб чиқариш корхонаси фаолиятини молиявий жиҳатдан қўллаб-қувватлашига ҳам эътибор қаратгани ҳар жиҳатдан аҳамият-

лидир. Банк томонидан бир гуруҳ марказий ва маҳаллий оммавий ахборот воситалари вакиллари учун ушбу корхонага пресс-тур ташкил этилди. Журналистлар корхонада газобетон ишлаб чиқариш жараёни билан бевоқиф танишди. Қурилиш саноатида бу маҳсулотнинг нечоғлик аҳамиятли экани ҳақида мутахассислардан маълумотлар олишди.

Пресс-турда ташкилотчилар мамлакатимизда сўнгги йилларда замонавий, импорт ўрнини боса оладиган, жаҳон бозорига талабдор бу каби қурилиш материаллари ишлаб чиқариш тadbиркорларимиз томонидан яхши ўзлаштирилган ҳақида маълумотлар беришди.

– Бугунги кунда ривожланган давлатларда ғишт ўрнига энергия тежамкор газобетондан фойдаланиш кенг оммалашган бўлиб, мамлакатимизда ҳам ушбу қурилиш материалларини ишлаб чиқаришни кенг йўлга қўйиш, бу йўналишда жаҳон таърибасини қўллашга алоҳида эътибор бериб келинмоқда, – дейди «Eurasia Gaz Beton» масъулияти чекланган жамиятининг таъсисчиси Шерзод Вафоев. – Шу боисдан биз ҳам давлатимиз томонидан тadbиркорларга яратиб

берилаётган кенг имкониятлардан фойдаланган ҳолда газобетон ишлаб чиқариш корхонаси фаолиятини йўлга қўйиш мақсадида "Микрокредитбанк" акциядорлик-тижорат банки Сирдарё вилоят амалиёт бўлимида умумий қиймати 15,4 миллион Евро ҳамда 928 минг АҚШ доллари миқдорида молиявий кўмак, яъни имтиёзли кредит маблағини олдиқ. Ушбу маблағ эвазига корхонамизга Нидерландия давлатидан замонавий технологияларни олиб келиб жиҳозладик. Бугунги кунда корхонада йилига 430 минг кубдан ортиқ газобетон ишлаб чиқариш қуввати мавжуд. Корхонамизда айни дамда 150 та янги иш ўрни яратилган бўлиб, завод ўзига хос горизонтал кешиш технологияси асосида фаолият юритиб келмоқда.

Маълумот ўрнида яна шуни айтишим мумкинки, газобетон – ғовак (тешик-тешик) бетоннинг бир тури бўлиб, замонавий қурилиш материал ҳисобланади. Уни баъзан "сунъий тош" деб ҳам аташади. Оддий бетондан фарқли, таркибида 1-3 миллиметрли пуфаклар мавжуд бўлиб, улар

туфайли бетон енгил, етарли даражада мустаҳкам, иссиқ ва совуқдан яхши ҳимоялаш хусусиятларига эга бўлади. Энг муҳим жиҳати шундаки, табиий газни 8 марта кам сарфлаши, энергия тежамкорлиги ва энг асосийси, унумдор тупроқнинг ишлатилмаслиги билан пишиқ ғиштдан бир неча

мартаба афзал. 1 метр куб ғишт 1800-2000 килограмм оғирликка эга бўлса, шу ҳажмдаги газобетоннинг оғирлиги атиги 500-700 килограмми ташкил этади.

Шунингдек, вилоятда ўтган йил давомида инвестиция дастури бўйича жами 117 та объект қуриб битказилган. Шу билан бирга, 20 та беш қаватли 400 хонадондан иборат турар жой мажмуаси фойдаланишга топширилган. "Обод кишлоқ" дастури доирасида эса 67 та объектда қурилиш-таъмирлаш ишлари олиб борилган.

Бир сўз билан айтганда, пресс-тур давомида журналистлар худудларни ижтимоий-иқтисодий ривожлантиришда банкнинг қўшаётган амалий ҳисса, татбиқ қилинаётган лойиҳалар ҳисобига тadbиркорларимиз қўшимча даромад манбаларига эга бўлиш билан бирга кўплаб янги иш ўринлари яратаяётганига гувоҳ бўлиши ва банк томонидан йил якунига қадар бу каби истикболли лойиҳаларни молиявий қўллаб-қувватлаш борасида амалий натижаларга эришади, деган умиддамиз.

Тоштемир МУРОД.



